

## **Publicaziuns officialas dils 13 da fevrer 2026**

### **Vischnaunca Trun**

#### **Damonda da baghegiar**

##### **Datum da publicaziun: 13-02-2026**

Petent: Tomaschett Lotar Via Carmanera 5, 7166 Trun  
Object: Montar schurmetg encunter vent sin lautga sin parcella 1926 a Campliun Trun.  
Zona: Zona d'adattaziun dil vitg

##### **Datum da publicaziun: 13-02-2026**

Petent: Burkhardt-Albrecht Rosina e Ralf Hagenstrasse 19 D-67583 Guntersblum  
Object: Disfatga e reconstrucziun dalla garascha e remisa sin parcella 2678/858 a Darvella.  
Zona: Ulteriur territori communal

##### **Datum da publicaziun: 13-02-2026**

Petent: Basbyandur Hasan Neudorfstrasse 23 7430 Thusis  
Object: Midada d'intent (anteriur post da polizia midar en ina emprema habitaziun da 3½stanzas) sin parcella 2708 a Trun.  
Zona: Zona da habitar (H3)

#### **Protestas:**

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

##### **Datum da publicaziun: 13-02-2026**

Petent: Vischnaunca Trun Via Dulezi 1 7166 Trun  
Object: Sanaziun tschaffadas d'aua e reservuar sin parcella 6466 Sur Seivs a Schlans.  
Zona: Zona d'agricultura (A)

#### **Protestas:**

Ils plans ein deponi en canzlia communal. L'investa publica cuoza 30 dis dapi il datum da publicaziun. Protestas ein d'inoltrar en scret enteifer 30 dis dapi la publicaziun alla suprastanza communal Trun.

*Administraziun communal Trun*

## Lenna da brisch

Il menaschi tecnic dalla vischnaunca da Trun porscha la pusseivladad da retrer lenna da brisch. Empustaziuns san vegnir inoltradas al selvicultur da revier Carlo Monn.

Uffeci forestal Trun, Via Dulezi 1, 7166 Trun [carlo.monno@trun.ch](mailto:carlo.monno@trun.ch)

Num e prenum:

Adressa:

NP e liug:

Telefon:

pégn 55.–frs/m<sup>3</sup> \_\_\_\_ m<sup>3</sup>

lenna da feglia 95.–frs/m<sup>3</sup> \_\_\_\_ m<sup>3</sup>

Sin giavisch porscha il menaschi tecnic ulteriurs survetschs. Ils cuosts che seresultan cheutras vegnan quintai giu supplementarmein.

- furnziun a casa (access cun camiun sto esser garantius)
- resgiar burels

Las empustaziuns san vegnir inoltradas a scret ni per mail entochen ils 2 d'avrel 2026. La lenna vegn surdada en fuorma liunga sin nos plaz da lenna. Quei succeda el decuors digl avrel.

*Uffeci forestal Trun*

## Filharmonica da combra Grischun presentan «Safety Last!»

**La vischnaunca da Trun e la filharmonica da combra Grischun presentan la legendara cumedia «Safety Last!» – Sonda, ils 28-02-2026 allas 19.00 uras el center communal**

La legendara cumedia «Safety Last!» (1923) cul protagonist principal Harold Lloyd vegn presentada en ina producziun speciala cun la filharmonia da combra Grischun. La musica cumponida aposta pil film da Robert Israel dat nova veta e scharm als maletgs. La scena renomada vid l'ura dil sgrataneblas ei in dils puncts culminonts ella historia da film. L'acziun turbulenta d'in giuven um che crescha muort carezia ed ambiziuns sur sesez ora inconta entras tempo, humor e stunts impressiunonts entochen oz. In eveniment da kino unic el spért dils onns dad aur ell'era da film. Empustar bigliets: [www.trun.ch](http://www.trun.ch)

*Administraziun communal Trun*

## Mortori

Oberhofer-Hosang Emerita, naschida ils 6 da zercladur 1941 e morta ils 3 da fevrer 2026.

*Controlla da habitonts Trun*

**Uniun da dunnas Trun/Zignau**

**Mardis tscheiver**

**Mardis, ils 17 da fevrer 2026** naven dallas 13:00 fagein nus nies usitau tscheiver culs affons ell'aula dalla scola a Trun. Era uonn saveis vus schar gustar in bien toc petta ed enzatgei da beiber ed ei vegn a dar ina ni l'autra surprisa. Naturalmein astga il pign concert dalla musica da tscheiver «Las Lieurs» buca muncar. Vegni pia e stei da cumpignia cun nus!